



鄱陽先生詩集卷十一

絕句

至雄州寄諸弟并呈諸友二首

馬頭今日過中都到得雄州更有書
道路莫嗔音問少
天寒沙漠鴈全疎

沙陀行盡見南山過却中京更少寒
欲寄梅花無處覓
只將書去報平安

子育見和前韵因寄君宜二首

彭汝礪器資

滎陽知汝已還都未得陳橋別後書頭髮不干霜雪事
冬來一似草彫踈

東風吹雪滿千山便似江南料峭寒天意人情終是別
漸知風日近長安

和國信子育元韵五首

雪餘銳馬立孱顏望盡南垂北際山一段黃雲凝不散
胡人說是瓦橋關

曉起南山暮北山夜深歸夢只山間山中亦有流泉好
不許遊人洗病顏

聞道朝正使入關慙慙試託寄書還逢人若問今何許

已過金鈞第一山

山谷真々風怒號故吹霜雪上綈袍風波未路嗟奚拙
露電浮生咲自勞

傍火時尋柏子燒青燈咲語夜窸々殊方更喜人情好
長日不知山路遙

再和子育五首

易水涿山無苦寒燕南本是舊家山々頭更覺光雲近
玄馬徘徊望漢關

將軍誓願軒樓蘭涕淚橫流杯酒間紫氣劍埋終未試
黃金印大亦何顏

朔風白晝不勝寒清曉馬行霜雪間縱目還經望雲嶺
傷心不見採芝山

手拈弓箭膝橫刀著盡君王賜戰袍語及靈州心欲碎
使軺今日敢言勞

氣血畏寒身畏勞養生曾去問參寥我今與子俱錯計
霜雪正嚴山正遙

過右北平

太平天子不言兵擁節來往右北平論將無人思李廣
咲談樽俎倚儒生

望雲嶺自古北口五十里至嶺上南
北使者各置酒三盞乃行

人臣思國似思親忠孝從來不可分更與諸君聊秣馬
儘登高處望先雲

過墨斗嶺聞鳥聲似子規而其形非是

有鳥羽毛非子規向人如道不如歸使軺不用君多勸
未到歸心已似飛

湖湘路見梅花寄子開七首

追誦寒梅佳句新東郊平昔與送春今時獨賦雲崑路
目斷蓬萊高閣人

萬木低徊冰雪辰寄聲凭尔急催春即看苑園菲芳遍
還見池臺歌舞人

不問蕭條風雨辰一花自與物為春如雲不比東門女
若雪豈非姑射人

滴葉開花妙入神酥盤憶着北堂春瀟湘此日堪腸斷
隨處幽香著莫人

折得寒梅自水濱恰如去歲在宜春瀟湘不見江南客

只有花枝似故人

眼看梅花愁更新到頭不似故園春風前一片花飛落
節物匆匆更感人

沙村飛雪白于雲野岸寒梅已放春詩興鄉愁俱不奈
江邊愁殺杜陵人

和正仲提舉五首

兀坐形忘入眇微泊然無事亦無思箇中名得真消息
先報維摩長者知
一絲急、一絲遲觸物蒼茫若有思流水高山新作操

十年留待伯牙知
萬事縱橫如亂絲
道人莫道便無思
五湖風起浪如屋
只問鸕鷀知不知
峴首人亡無眼悲
高陽客散有餘思
急來相就一遊樂
明日東西渾不知
千年只有一鍾期
滾落相望不尔思
寂寞廣陵無復見
崩騰霖雨幾人知

真州江亭

潮落淮風怒不收
昇州一日到真州
多情楊柳能青眼

底事波瀾白頭

林亭

禽魚慣熟見歌舞
池沼亭臺應是家
物々眼前渾自好
不須更種芰荷花

雲蓋寺談空亭

天地空々無一塵
談空可惜枉勞神
欲知空外談空者
恰似夢中占夢人

兩寄君時弟

朝霧蒼茫暮雨低
恰如梅子欲黃時
三分半是行人淚

莫怪行人兩鬢絲

再寄君時弟

燈前微雨惜黃昏
想費慈闈夜倚門
知汝悅新能有道
不應惟種北堂萱

李廣

非薄今人愛古人
今人只說李將軍
英雄豈遂無如廣
嘆息寡々久不聞

長垣道中

鳳鳥不鳴今幾時
太平今日合來儀
湖塘族羽多如雪

恐是當年養鶴池
長垣春秋時衛地漢為長垣縣不知
名縣北有鳳亭鄉云長有鳳集于此鶴城
在縣北云衛懿公嘗養鶴于此有養鶴城

歸次雄州

鴈奴到日人初別
燕子來時我亦還
馳馬直登山絕頂
爭圖先見瓦橋關

顏子二首

孔門弟子數三千
高弟惟稱七十賢
用舍行藏誰與此
當時獨許一顏淵

高才獨聖人
門千載巍々道亦尊
試讀塵編問遺事
終

身不及百餘言

和履中學士上元有作四首

樓頭星斗爛文章錦綉中
焚百和香月似中秋燈似畫
總將明德奉吾皇

燈火能催萬物春花開蜂蝶已繽紛
太平會與民同樂
搃道吾君是聖君

市廩高廛野廩耕通宵
咲傲樂昇平樓前樂奏九成曲
樓下人呼萬歲聲

珠翠雲隨鳳輦行
重樓截臬與天平
春風不禁宮中事

吹落珠簾咲語聲

二月己亥曉出城祀高禩四首

淡雲斜月曉昏昏
鳳物逢迴忍故園
竹葉密藏林下寺
桃花低應水邊村

高：溪邊楊柳絲紛
：牆外小桃枝流鶯恰似無機械
春滿人間亦未知

塵沙騎馬聽溪流
淡薄春風恰似秋
坐憶洞庭波萬頃
灘聲長在釣魚舟

塵土冥：二月風寒
：天外有歸鴻
松陰想見芝山路

隔浦溪花岸、紅

清明早出城東齋

娟、花木向春榮婉、黃鸝隔葉聲冷淡一官祇自咲
五更騎馬看清明

寄景繁學士

叢筠葉、晚風寒喬木陰、晝日間要路想公無此悵

蓬萊新有道家山

舊居有竹及碧廬數本
聞皆手植故作此詩

景繁見和再用前韵馳寄

魚飛鯨躍出波瀾獨立蓬萊縹緲間會有清詩寄蘆竹

能無歸夢到溪山

豫章彭真人觀二首

藥爐幾日到丹砂流出仙原萬里賒及物從來多隱德

功成知不在吞霞

重雲隱、即我家竹影松陰一徑賒坐久肺腸清似覺

遠心飛去出雲霞

一云老竹陰、一徑賒

奉使湖南遇兩寄叔宜

暮雲不肯破重陰只繫萱堂夜、心馬上北風吹澹落
細隨疎雨濕衣襟

元豐己未冬至夜萬載驛嘗有詩寄廣漢今歲萬
安驛用前韻呈廣漢友先學士二首

去年萬載驛逢冬今夕萬安村驛中長咲布袍翁髮白
不知今我亦如翁

道途泥滑水溶溶嗟尔胡為風雨中閉戶熟眠無一事
浮生多謝富家翁

寄道林元祐長老

眼前百萬四千門盡與山河寄一塵畢竟一塵還是夢
夢中無法亦無人

途中食菜戲成呈諸僚友兄

草一盤蔬村野中麤疎只似舊家風猫兒雖有湖南笋

勻子即無江外松湖南產猫兒頭笋
江西出勻子松

後兵初自鄧來成邵因問法曹弟動靜戲成小

詩

戊卒初來自鄧州問言曾見法曹不只云白髮青衫者
黑瘦三分似狀頭

民有金剛經風吹失所乃餘干縣也時知時與民
同見文淵兄作詩俾予和韻

諸佛當年說色空
色空已壞合還風
定隨妙喜山河去
西入維摩方丈中

竹間見梅花呈都運大夫提刑學士一咲
湖外春風未到時
竹間時復見梅枝
文章不似少陵客
漫對清風無好詩

憶北堂小梅

梅與小桃相間栽
梅花應會鬪寒開
春風最愜慈親意
想得安輿暇日來

偶成

大禪痛與藤條四
林際輕彈蒿指三
皮肉枉遭人戮辱
白顏猶使我羞慚

寄檢法學士丈

長春日月與玫瑰
煩近萱堂子細裁
却語花開無造次
老親寒食已前來

和梅堂祖心禪師荅潭州知府諫議謝允五道人
召禪師不往三首

萬里江湖一釣舟
夜寒乘月過滄洲
投竿不比任公子
誤得驪龍亦上鉤

胡床誤看碧松枝自愛壺中日月遲
冰盡暖沙眠犢子波間細雨浴魚兒
無絃不似伯牙琴咲殺鐘期錯用心
却愛鐵牛機外語知音何似不知音

得侗書稱孟春漸暄因作一偈付愚兒侗

想見匆匆眉髮新遙知只是舊時人
不堪侮弄彭公老一月猶呼作孟春

讀孟子二絕

飽食無庸近素餐低徊還恐似璫間
黃昏一讀遺篇盡

夢寐清風亦厚顏

洙泗三千弟子賢行藏獨許一顏淵
先生出處俱天意

無怪公孫尚間然

次佛印韻二首

咫尺書從江外來紅塵心與眼俱開
鹽官扇子真無用漫得犀牛入手來

明：佛日在巔崖何事山嵐不肯開
諸處即無甜水草

莫牽牛下雪山來

和周寺丞韻

玉津亭樹雪層層，故比人間分外清。恰似江南春到處，
梅花一片折園英。

再和景繁韻馳寄

珠露綴青雲葉幕，烟藏碧玉枝頻。有好風驚獨寐，
固留明月照相思。

贈仲至二首

愁憂平日漫紛紛，淺俗何能補上聞。欲乞一舟江海去，
聽君功業上青雲。
倒困虛廩出珠璣，萬事從容指是非。世有賈生人未識，

漫聞流涕欲沾衣

法輪院

塵法，法，總無窮。宛轉回環路，通億萬恒河沙。世界
會知都在一輪中。

和粹老雲居之句四首

重陽不醉籬邊菊，故入羌廬訪遠公。信筆更題詩滿葉，
總隨流水出雲中。
海上句麗百衲衣，天南身毒一筇枝。臥龍獨樂愁為雨，
今問龐公過在誰。

顛倒縱橫如彼何清辭麗句不妨多維摩亦漫稱居士
木榻堪怜似老婆

雲中咲語覺風生摩竭今時令獨行搔首誰能拜彌勒
皺眉恰合怕珠明

和瑛師三首

山花時復對行舟想咲行人易白頭流水靜窺春燕舞

近山晴見暮雲收

篇章近日更騰掀字字含容八萬門流水可伶人則遠

浮雲澄淡月黃昏

江城雙鯉得詩筒應念勞勞夢幻中雷電自知生有限
波瀾還悟物無窮

寄廣漢

今年萬載驛逢冬恰似淮南風雪中赴詔時冬夜與廣漢宿舒城道中時

雷大草一杯盤渾自足咲談只欠布袍翁

己未冬至日分宜道阻雨今歲冬至新喻道中亦

兩

去年冬至入分宜兩雪思親淚亦垂今日載馳新喻道
大都渾似去年時

三年七到袁州

三年把節走天涯七過宜春城土臺林下道人還一咲
雪霜重見使華來

和執中及謝檢法二首

天女忽忙來獻花莊嚴淨妙一何嘉兒童更少渾無著
自勝維摩長者家

三年不見洛陽花今日襄陽省轉嘉奔走簿書長似夢
不知春已滿人家

荅侗二首

說禪半夜雨天花不似無言氣味嘉汝但為維摩長者
我甘作淨飯王家
花即是空、是花算來無惡亦無嘉凌煙老將今無事
四海車書渾一家

行舟蘆葦中

蘆葦蕭蕭、吹晚風畫船長在雨聲中浮生猷足江湖味
好在溪邊舊釣筒

和致遠

過從准擬酒如繩臘到春風次第生七日風流金勝好

九霄雨露錫銀罌

君宜弟還鄱陽風雨未行馳寄此詩

鴻鴈行，如弟兄天寒故，作秋聲江湖寂寞風雨急
今夜扁舟行未行

泛豐陵溪二首

繫馬却行海上濱夜寒孤月故隨人自怜不及溪心月

正照萱堂鬢雪新

溪邊置酒稍徘徊坐看溪聲滾，來傳語鷓鴣與鴻鵠
暫時相見莫相猜

橋上

橋南橋北水濺，江海歸心已浩然素食日暫無補報

臨流端欲問歸船

道遇施戶曹口占寄君時

陰雲作雨只漫漫，今日雖霜未苦寒歸去襄陽見吾弟
為言道路且平安

和君時弟南齊

秋雲作雨擬如何祇欲催人涕歎絕暮蟬無限意
淒涼啼咽不成歌

和君時語農者二絕

兒女莫啼翁莫愁十分栽插一分收
酒筍白蟻須盈白
花插黃金聽滿頭

大田既戒歲無憂零雨其濛夜復收
私稻可惟齋馬鬣

君時云願已齋馬鬣 聖禾亦自秀牛頭
君時於牛首種聖禾

和君時

形容枯槁心若灰叅軍新讀法華來
君時近者維摩莫

道莫言說不二門庭搃自開

城東謝氏園亭即席和冲元

小園亭花竹幽低徊似擬憫公愁
相看劇飲終無緒
坐嘆風光信水流

寄君時二首

綠服當年尚黑頭鳴鏡打鼓下揚州
老來却到經遊處
一曲烟波一曲愁

今年秋是去年秋自是今遊非昔遊
晚日西風吹淚落
遙巡想已到揚州

天寒欲雪不可出門君時在城中
促庭佐來君時

東云庭佐掉頭云未來因馳寄

伯兮引領望不斷叔也掉頭云未來事、傷心無說處
終朝眼合不能開

和君時見寄

不是愁傷不作詩吾言無益亦何為肺肝款語竟無處
惟有江頭鴻雁知

和君時君宜睡二首

母論鳥夢并魚夢一聽牛呼更馬呼看取南柯如許事
睡時擾、覺時無
莊子蘧、夢蝴蝶尹生昔、睡呻呼我遊直在諸方外

不但無憂樂亦無

和君時苦熱

窮簷只似在蒸炊無事形疲心亦疲惟有清談能勝熱
終朝無事不相思

和君時弟芝山避暑

避熱猶如避火坎盡將身世隱壺中微雲急送塵頭雨
遠水故吹牛背風

寄叔宜弟

春風隨意自西東可愛初春燕子飛池外墻頭花好在

會應留着待君歸

次雲居老詩韻三首

南山雲霧隱蓬萊
滕閣峩峩亦壯哉
莫道長江空自去
一波濤起一波來

邊庭老将已成功
名在麒麟函閣中
塞外牙旗歸萬馬
雲間羽箭落雙鴻

荆山有玉比山丘
愛玩還將木李投
掣電一機吾會得
天邊月在水中流

再和前韻三首

天上參差殿閣開
孤城縱望吳悠哉
江頭鳧鶴多如雪
摠擬將迎杖錫來

世間復見大威雄
把定乾坤一瞬中
郢市未能知白雪
弋人何敢望冥鴻

生涯泛泛寄浮鷗
老矣華簪咲未投
宛轉枕前清夜夢
還隨修水近山流

荅圓相庵主人

神巫作舞乞豐年
宛轉靈場咫尺間
一雨坐令天下徧
無心隨得似雲閑

和提舉送淮長老往延壽寺三首

少時見說飽叢林
宴坐垂年味更深
月印夜潭非有意
雲歸秋障亦無心

非愛山林避市廛
一枝安隱寄殘年
新泉遍作人天供
寺有不用諸方五味禪

天地悠悠共故鄉
眼前差別亦多方
欲知道濟庵前路
俱是將軍舊戰場

瑛首坐訪及頌示四韻
而有選佛選官俱第一之
句既贖元韻因寄末章

如夢如泡如露身
簿書埋沒老埃塵
上人固把詩裝點
可學寒梅賣弄春

馬駒元是出西江
吾姓音聲亦似龐
空乏本年無一物
珍竒新得壁雙雙

山河大地一無窮
搃在維摩丈室中
向火一杯茶似雪
莫嫌居士沒家風

有項須彌寄一塵
山河全現法王身
衆生與我俱無別
師亦難為第二人

答雲居佛印二首

不道雲居行路難岐留行待
初寒先煩寄語諸尊宿
莫咲龐公祇野冠
人間六月日如丹見說雲居早自寒他日遊山看蠟屐
終朝臨水濯塵冠

江上

波瀾浮動月翻、細雨吹風忽在門溪上酒家何處所

青燈明滅見漁村

寄觀音能老

踏水穿雲入翠蘿情知不忘舊時巢嶼嵒頭角今須別

試比黃龍較幾多

縹緲煙雲水石間生涯見說足安閑更煩細問黃龍看

合在塵勞合在山

能老詩云僧家只合在深山又曰待到黃龍鱗甲脩

余時宿鄂州崇陽縣之麻步使僕問途曰西去七

里乃至南樓山而余詩遂稱南樓及過山有叟

云彼南勞山余咲曰嵒嶼之上人皆安名為山

又妄名為南勞予妄問彼又妄應余又妄聽又

從而妄言是俱為一幻然山為山而已曰南勞

亦可曰南樓亦可而彼皆無所與物有故常余

亦從其舊而已因復作偈寄心師、當為余一
咲

高山人喚作南樓便作篇章說事由却得村翁親說破
南勞即不是南樓

送觀音能師去黃龍

天地悠々共故鄉翼毛苒、幾星霜的然積翠家風好

行矣黃龍山路長

師與黃龍俱嗣南禪師南
堂居積翠庵稱積翠老人

偶成

抵巇投隙廢精神世態紛々日更新得喪是非渾一夢

不知悞却幾多人

都陽先生詩集卷十二

彭汝礪器資

絕句

桐栢道中見農人有戴其父謁廟者

戴天雖重莫辭勤力盡何能報一分
我有此誠嗟不待自恰終世不如君

中伏離袞極熱老母為勸念既行日有陰雲時作

甘雨因作是詩

浮生處、托慈雲火熱清涼一變新
願力更能為法雨

欲令四海總無塵

女媧廟

高山宛轉一千尋
百拜靈祠淚滿襟
今日幾人能似帝
辛勤長有補天心

奉招正仲

搓頭編發物且肯
竹葉酒清人可思
臨水登高終日待

此心只有楚山知

和正仲提舉

敗穀苑灰枯木枝
禪那一味說無思
優曇昨夜花開了

碧眼胡兒知未知

一本云也未知

和舅氏和仲遊朱羅洞三詩亦和之呈和仲

杳靄冲融煙雨間
攀躋經涉幾重關
洞天見說非人世

何似蓬萊海上山

松竹山風吹我衣
溪寒細雨落霏霏
琴聲彷彿窺幽趣

若到無絃意轉微

村北村南幾往回
雲中咫尺見崔嵬
今時不似維摩語
指掌能移妙喜來

戲招史秘校

春風醉死百金甌不記顛衣咲史鱗更欲西船留瞬息
花間一飲破離憂

謝德華惠牡丹因招同官會飲

交情淡薄愛天真親寄韶容到宴貧便乞諸公城壁飲
風前同醉一枝春

荅誠之見和

塵土相欺老病身韶華亦似歛清貧且須一飲城頭晚
醉送鶯花萬里春

都官以詩求菊栽次韻謝之

新詩來乞菊花秧種值還須近宋牆待得來年花爛
約君顛倒醉秋香

以寒來送菊本都官復示詩見督次韻謝之

只因霜雪妬萌芽不意新詩譙惜花芳木無心戀貧窶
迎風爭入相公家

和庭佐飲

議論優、喜自得簿書故、來相閑夜深歸夢無羈束
繞盡南軒一席間

戊寅城上閑步因各賦詩

城外江山始眼明
城頭花草美
春晴欲歌風物無才思
須約諸公載酒行

和濟叔城上數篇梅

城外人家梅子枝
細花欲出壺開時
光迷路迳雪應妬
香滿幽林鳥未知

草

草色初成城上春
風步履觀浮雲
踏青未得遊人見
烟月遮藏待使君

栢

落盡桃花梅子英
一枝霜雪自光榮
猛於夜月紛々影
頻聽秋風細々聲

芙蓉

春風桃李綉朱門
更挿芙蓉待薄寒
花萼未成騎從起
異時空作憇棠者

侍親遊池有感寄伯兄時伯兄下第南歸熙寧丙

辰也

身世幾何長
百憂塵埃想望轉悠々
移樽稍欲臨池飲
眼看波濤滾亦流

荅佛印語

十方同是一空虛
飲啄隨時只自如
日日事來長是咲
而今和笑浚工夫

與佛印夜坐

紗帽筇杖鬢髮蒼
咲談終夜共寒缸
諸人不用稱居士

我是彭公不姓龐

彭亦音龐

宿圓通寺佛印

丈室燈寒夜未眠
竹間流水聽涓涓
試看石耳峯頭月
何似雲居天上圓

次友人韻四首

朝車暮馬走塵埃
眼疾昏眵洗不開
門外柳陰清似水
十分留着待公來

丁寧風道莫相催
莫放船頭容易開
更語水邊魚與鴈
不妨日、寄書來

新詩清勁何所似
祇似金篦刮眼開
流水上同知者樂
好風知是故人來

不但離腸夜九回
眉頭十日不曾開
田園愈更不勝說
憶賦淵明歸去來

和佛印

黃昏雲散山，雨優鉢開花處，春寶塔尋常，宇宙
靈壇咫尺觀星辰

送雲居佛印禪師詩五首并偈

禪師談實不談虛亦有文章水不如自說金篦元不用

誰云價重百車渠

杜詩云金篦刮膜價重百車渠

翠藤老木抱千山行色歸心各等閑恰似白雲多自在

不同飛鳥倦知還

細磨密衲作袈裟曲水遥岑宛轉花海外梯航輸佛土

日邊絨繡賜禪家

高巖進磨衲裝上以賜師

百花衆寶細莊嚴不是青州舊布衫滿載天香浮遠水

遥分春色下層岩

佛印電目海潮音

陳聖愈記云岩頂而電目海口而潮音者雲居師也

貌古瘦瘁

如孤松心已了達諸佛相酬酢縱無滯碍以大慈悲為

演說登闌沉幽度衆生至第一義而不傳而無一義不

傳者我今焚香讚嘆禮十方国土盡聞知願師與吾及

衆生一切長在真實地

熙寧丁巳蜡祭致齋玉津東園雪中與監禮葦老

學士同遊西園六絕

上苑亭臺看雪飛，清寒十倍勝常時。
臘深梅蕊爭先出，風急楊花忽倒吹。

地禁蛟龍藏玉宇，天寒鳧鴈浴瑤池。
人間合有豐年頌，不只梁園漫賦詩。

天上春風破雪回，好花萬點鬪先開。
情知歲有元豐瑞，合得君王暇日來。

落雪縱橫映步趨，分明身在蓬壺天。
家自與人間別，只種瓊花十萬枝。

藝祖不嫌宮室卑，神孫今不剪茅茨。
太平風俗終還厚，長似唐虞夏禹時。

飄飄亭觀貼雲浮，知是蓬瀛第幾州。
天子焦勞遊樂少，池臺魚鳥自悠游。

北軒

浮萍滿載江湖興，翠栢長聞金石聲。
丈室寥寥塵事外，相看真不異山林。

丈室

一似維摩萬丈居，俱無未足亦無餘。
忘言自看恒沙水。

却笑臨川若羨魚

碧蘆

碧蘆滿眼送清秋
瀟灑伶君似追休
一咲高風搖翠玉
五湖歸夢落漁舟

仲至遷居同曹家西巷在蔡河之北三首

不是山林非市朝
槐陰滿眼送蕭條
公行已在青雲上
乃肯我伶共寂寥

里巷我真孟母隣
藜藿知不咲清貧
風雲只恐公飛去
乃肯淹留寂寞濱

陋巷本非朝市喧
亦無車馬到門前
清風對客忘朱夏
流水令人思故園
道曲柳陰低白晝
天涯月色照黃昏
一官彼此多閑暇
萬事從容欲細論

和元忠早春

兩細風開草葉長
烟深人著柳梢黃
幽人對物心千里
玉塵朱絃寶鴨香

和初夏

淺水池塘蓮葉香
紅塵道路柳陰長
黃梅雨袞攔杆濕
翠柏風吹袷袖涼

荅雲居佛印禪師

江湖范蠡扁舟上巾履維摩丈室中每愛師如蓮出水
却嗟予作鳥窺籠

奉使丹陽途中雜言

黃鳥頻來傍水飛杜鵑何故向人啼短亭尚見臨章在
新水蒼茫路欲迷

北風

北望南淮雲更遮別離始覺路為賒深林青杏還爭熟
淺水紅蓮亦自花

夏景

朱明猶自有春天野色逢迎定洒然蕉葉莫虛停酒盞
杏花頻委寄詩牋

浮雲

定向郵亭夢渚亭天涼莫放酒免醒浮雲不出月明白
急雨急來天晦冥

感懷

白頭朱紱照銀魚自咲名塗曾屈紆見說近來隆簡素
平泚萬里看鵬圖

詠柳

柳色溪頭相照深
詩翁收拾寄清吟
晚風吹散千絲縷
巧繫遊人夜夜心

榆錢

林外溪頭榆笑錢
風吹箇箇一般圓
渾疑萍葉輕分去
恰似苔花碎接蓮

與廣漢舜山寺分題得申字

溪山幽隱一閑身
憔悴今隨逆旅塵
南國漫遶愁似織
北音不至別如新
浸

鳴珮

鳴珮即朝天
北關杖藜且徧水
雲山周爰所得知無限
更有新詩滿篋還

和都官看雪二首

孤城帶雪望天涯
瀟灑風情自一家
景物尚嗟春意滿
兩枝零落不成花
朔風吹雪落雲端
臘意春容盡苦寒
收拾濁醪成一醉
固無絲竹借餘歡

梅子

道上人家梅子枝
背春還復葉離離
詩翁觸物俱歸思
不用風前叫子規

浮漚

物々自然誰所憂
咲君嘆息及浮漚
恨無清麗驚人句
盡破淒涼滿自愁

藏舟浦

花明肥上藏舟浦
水照淮邊夢蝶臺
千里悠悠各春色
可嘆無計共尊壘

愁思嶺

少狂千兔禿詩毫
醉看真珠滴酒槽
白首不堪論佳事
清樽只可慰徒勞

板橋

西山曲折北溪橫
百里中無十里平
道路兩餘多可喜
高田一半有秋成

和仲子中謝寄福州荔園

五月南州荔子花
道山省霽路岐賒
誰將長樂陳生筆
寫寄於陵仲子家

琴渚

自有澄波照眼明，偶題琴瑟亦強名。今君應得絃歌趣，願
聽漁樵告浩成。渚

子育見水開因去雄州南池想亦泮矣

應是南湖水已開，雲中想見小蓬萊。東君且莫催花發，
留待朱顏使者來。

到雄州不得家書

馬頭不是病風埃，相別相望不眼開。只有瓦橋書可附，
何緣不寄一教來。

馬上據鞍熟睡

橫槊賦詩人，健殺據鞍著睡我。閑生芑蕉居士今猶健，
蝴蝶誰周夢不成。

再和子育

殊方無處問平安，帳望衡陽鴈未還。歸馬不知山遠近，
北山未盡過南山。

婦人面塗黃而吏告以為瘡病問云謂佛粧也

有女天孫稱細娘

胡謂婦人有顏色者為細娘

真珠絡髻面塗黃華

人怪見疑為瘡墨吏矜誇是佛粧

望雲嶺自古北口五十里至嶺上南北使者各置

酒三盞乃行五首

今日；如昨日；北方月似南方月天地萬物同一視
光明豈復華夷別更遠小人褊心肝心肝咫尺分胡越
投老不堪行路難衰顏久合老田間雲霜一意吹蓬鬢
塵塏方多汗病顏

白首功名意已闌正如飛鳥倦知還蒼茫杳靄雲深處
說是燕山是勒山

朱顏使者黃金帶鐵面將軍紫綬袍會道因緣非一日
忘懷彼即是忘勞

五更風雪霽層霄殘月寒星次寥道道路長如之字轉
胡人能以近為遙共

記使人語呈子開侍郎深之學士二兄
往來道路好歌謠不問南朝與北朝但願千年更萬歲
歡娛長祇似今朝

黎陽大佛高七十尺和穎叔侍郎韻

百千妙法寄微塵更向人間見大身何怪黎陽高七丈
當時廣倍百由旬

途中作

清晨四句偈午夜一爐香有見即心境無時道場非華
夷初一主彼是兩兼忘

記中京伶人口號

伶人作語近初筵南北生靈共一天祝願官家千萬歲
年，歡好似今年

再和子育韻五首

使者東來說契丹翠輿恰似上京還綉旗鉄甲兵三萬

昨夜先朝木葉山

木葉山契丹
九廟所在

日夜歸心折大刀羔裘貂鼠豈無袍利名畢竟擬何用

身古由來空自勞

玉立風生供奉班少時綠髮照行間今時大半成霜雪

莫把青銅照面看

風吹朔雪著人寒行盡千山復萬山旅思鄉愁萬不奈

不須詩債更相關

夜寒燈火照長宵只有塵編樹寂寥南北可憐身沈沈

夢歸亦苦路遙々

長垣路中記同官

七十餘里未百里一百二程今兩程更遠此身須會到

長垣明日是常城

晚風

晚風吹月上天涯
一夜光寒獨自知
始信花開俱有意
可言雲淡獨無思

次文淵兄韻

風雨正開棠棣枝
塵埃復隔老萊衣
南北分人心欲碎
不堪頻望白雲飛

同文淵夜坐懷伯兄

月外征鴻自北飛
溪邊流水亦東歸
相思欲往還多畏

自嘆浮生事

非
寒食日李鄉仲求宴芝山劉丞子先以詩獻李鄉
坐客皆和

雨急不開枝
鶯春風只度管絃聲
花稍日擁千兵出
柳葉低遮五馬行

清明之遊子先不與仲求有詩寄之使某次韻二

首

天上歸鴻林外鶯
去留各自有離散
須知野竹山花拙
不會遲留縣尹行

誰學枝頭百轉鶯故臨風作斷腸聲欲連遊騎從容往
還惜征車取次行

晚行林外兄弟相率賦詩

再：秋風吹我衣留連清勝夜忘歸眉橫雲外新蟾上
雪落林梢白鷺飛

碧竹侵雲一萬竿挾書時此共盤桓湘沅見說官期迫
預惜朋遊別去難

汴上呈祖道二首

扁舟日夜去程忙道路應須咲我貪月照汴身猶病北

風吹歸夢已江南

扁舟暮宿水聲中棹入滄浪狎釣翁柳葉繫船留夜月
蘆花吹笛倚秋風

和祖道京淮道中

馬頭一日對青山萬里歸心插羽翰暮兩晚晴風轉急
京淮亦是苦春寒

和祖道募耕者赴西北

朝廷今日重農耕勸募招懷有度程四海田疇須墾闢
萬箱菽粟看流行

舟中載芍藥數本二首

數枝分得廣陵春
行李相看意亦親
風急吹香渾似舊
露濃染色更爭親

御衣黃淡名先貴
禩子紅多格已塵
歸去欲為圖
画看

却嗟無似趙昌人

御衣黃禩子
紅皆芍藥名

和穎叔遊宗華并一絕奉呈

回環萬竹鎖烟霞
步履遲留問故家
我向利名心最薄

青雲合得舊生涯

和遊雙泉三首

投明一雨見年豐
此樂知君與我同
左右水聲長不絕
却疑身在釣舡中

薄疑身世近蟠宮
步武虛涼在
同山色遠追詩句上

泉聲雙落酒卮中

撥拍疎々吹晚風
清涼分與衆人同
泉聲出自塵埃外

更在千崖萬壑中

過石頭鎮寄文淵二首

夕陽却度石頭溪
萬事傷懷欲淚垂
謝氏遊山行著屐

巖公送酒立還詩

予過石頭鎮知江州施
兵部送酒以詩謝之

容顏不少如前日景物猶多似舊時
匹馬瞻相無盡意
雙泉想像不勝悲
治平中文淵尉新建解宇在石頭予登第歸過之少年父母俱存其遊甚樂後十四年交喪所天俱白髮衰矣文淵持服予以使車還石頭因作是詩
西山道中

行盡鍾陵西北山
籃輿恣意取峯巒
明朝未必無風雨
更撥浮雲仔細看

臨江驛中庭有大栢因寄穎叔

林麓山頭屋數椽
中庭翠栢上參天
廟廊豈不須梁棟
偶置荒幽亦偶然

永興道中有感

古人何計亦何思
世俗紛紛錯自疑
天地百年俱夢幻
可能于尔較毫絲

承示友寄提舉太丞高韵
太丞有三點明星半輪
月之句因次元韵

三星半月露孤圓
天地秋聲夜氣閑
光遍三千大千界
即非内外及中間

舟行

長恨城中不見山
舟行能滿看孱顏
數家樵舍波瀾上

十里鍾陵煙靄間

雨霽

荷花十丈出塵埃
鷗鳥雙飛近酒杯
雨霽黃雲收拾盡
青山還會逐人來

月夜

江湖秋夜月紛紛
溪水吹風作簟紋
漁父疑如傲世者
孤舟吹笛入青雲

宿舒州境上

江淮五月水涵涵
稍繫扁舟宿翠嵐
半月明風轉北夜

五湖歸思滿雙帆

雨中望皖公山不見因寄提舉馬太丞

泊舟欲近皖公山
在青雲烟雲間
蒼翠不容塵俗見

只應留着待公還

粹老又有
居舒州意

運使仲謀去年冬入鍾陵後八日予有鄱陽之行

至仲春壬子歸後七日仲謀有廬陵之行至盩

夏戊申歸前端午一日予有丹陽之行書呈運

使仲謀丈

遊從每咲未經旬
只有為僚分已親
自古論交何待久

白頭往々却如新

寒蘆

長蘆一片倚江卑
疊葉低枝罨怒濤
晚風吹雨急蕭騷
霧蔽雲寒慘淡

泊真州新河亭

鬢毛垂雪欲參々
道路風波老不堪
繫纜短亭聊自憫

青山數點見江南

遊真州東園惜其將發
運使兵部子正近止因寄

小詩四首

驩散忽自滿江
淮知是公車
匪日來霖雨
會薰歲旱
薰風正欲長
民財

公才酬酢有餘閑
六路從容指顧間
仁澤但令民共樂
不妨清賞遍江山

不見當年花木春
丹青臺榭欲荆榛
簿書到日應無事
會與江山作主人

綠水荷花一片開
池塘終日少塵埃
鸕鷀鴈鶩無窮喜
摠擬將迎西舫來

登山亭

孤亭疊石入雲間
盡見江南近北山
羈旅此身長擾擾
不知飛鳥會知還

移州泊通濟亭

隔徑楊柳綠
參差晚日疑
疑遲認夕嵐
細細亂山渾不見
漁燈數點照沙南

鄱陽先生詩集卷十二終

嘗讀卯律文正集有句
花落餘香著莫人
以為本之朱淑真詞
無奈春寒著莫人語也
觀鄱陽集梅花絕句云
滴葉花開妙入神
酥盤憶看北堂春
瀟湘此日堪腸斷
隨處香幽著
莫人已前此矣
洙南王阮亭云

卷之三

三
卷之三

